

2018 թվականին Երեւանի ՋԷԿ-ի ՀԳՑ-ով էներգաբլոկի արդիականացման համար 18 մլն դոլար կհատկացվի

14:36, 14.03.2018

Տարածաշրջան: Հայաստան

Թեմա: Տնտեսություն



2018 թվականին Երեւանի ջերմային էլեկտրակայանի համակցված գազագոլորշային ցիկլով էներգաբլոկի արդիականացմանը 18 մլն դոլար կուղղվի: Այս մասին մամուլի ասուլիսի ժամանակ ի պատասխան **NEWS.am**-ի հարցին՝ ասաց «Երեւանի ՋԷԿ» ՓԲԸ տեխնիկական տնօրեն Արկադի Գեորգյանը:

Նրա խոսքով՝ ընթացիկ տարում կապիտալ վերանորոգման աշխատանքներից բացի, ծրագրվում է գազատուրբինային կայանքի արդիականացում, որի հետեւանքով բլոկի հզորությունը 7 ՄՎտ-ով կաճի, իսկ օգգ-ն կմեծանա 1 տոկոսով:

Ներկա պահին գազատուրբինային կայանքի հաստատված հզորությունը կազմում է 180 ՄՎտ, իսկ գազագոլորշային կայանքինը՝ 63,6 ՄՎտ: Էներգաբլոկի հզորության հանրագումարը կազմում է 243 ՄՎտ, իսկ օգգ-ն՝ 50 տոկոս: «Ջերմաֆիկացիոն ռեժիմում աշխատելու դեպքում, այսինքն՝ այն պահին, երբ Հայաստանում սկսվում է ջերմային էներգիայի օգտագործումը, բլոկի օգգ-ն

կկազմի 73 տոկոս, ինչը համարվում է շատ բարձր ցուցանիշ»,- ասաց Արկադի Գետրոյանը: Նա նշեց, որ բլոկը 580 հեկաջողու ջերմային էներգիա արտադրելու հնարավորություն ունի:

Երեւանի ՋԷԿ-ի Էներգաբլոկը կառուցվել է Միջազգային համագործակցության ճապոնական գործակալության ֆինանսավորմամբ: Ծրագրի արժեքը կազմում է մոտ 250 մլն դոլար: Բլոկն ապահովում է Հայաստանում Էներգիայի սպառման գրեթե 25 տոկոսը: Շահագործման հանձնելու պահից Էներգաբլոկն արտադրել է ավելի քան 12 մլրդ ԿՎտ/ժամ էլեկտրաէներգիա, այն աշխատում է բնական գազով:

Լուրեր Հայաստանից - NEWS.am